

Margarita Nga Banwaanon



Timprano nga nagmata hi Salvacion para sumimba. Samtang naglalakat, may nahibatian hiya nga tangis han minasus-an ha may pangpang. Ginkadto niya ngan nahikit-an niya an minasus-an nga ginkakariguan han usa nga mabaysay nga babayi. Ginpaukoy niya an babayi kay kaaga-aga pa ngan hinahagkutan an minasus-an.

“lundang iton! Kalooyi an minasus-an!” guliat nga ginyakan ni Salvacion. Tigda nawara an babayi. Ngan pinakianhan niya iya kalugaringon, “Usa ba adto hiya nga banwaanon?”


Ginkuha niya an minasus-an ngan nag-aapura pag-uli.

Linabay an damo nga tuig ngan panahon, napansin ni Salvacion nga nadako an bata nga pinakamabaysay ha lugar.

Nahipapausa hiya han nahikikit-an ha kusina kada aga. May-ada durudilain nga magrasa nga pagkaon ha lamesa. “Diin dawla tikang ine?” pakiana niya.

Ginbantayan hin maupay ni Salvacion tikang hadto an kada kiwa han iya anak-anakan nga hi Margarita.

Waray pag-iha, daraga na hi Margarita. Naging



makisasangkayon hiya ngan malakat. Nagtikang na pagbag-o hi Margarita ha pagkita ni Salvacion.


Naglaum hi Salvacion nga magbabag-o an daraga pero waray ito mahinabo. Hasta nga nawarayan na hiya hin paglaum.

Bumalik hiya ha salug kun diin niya nakuha an minasus-an.

“Kun nabati ka ha akon, pagpakita daw!” guliat ni Salvacion. Diri na ako maaram kun ano iton akon bubuhaton para matadong ko hi Margarita.”

Tigda nga gumawas an banwaanon.

“Lagi ko kayong sinusubaybayan at binibigyan ng masasarap na pagkain.” At bigla na namang nawala ang napakagandang babae.



“Pabay-i hi Margarita nga gumios sugad han mga bata ha iya edad niya,” mahinay niya nga baton. “Permi ko kamo ginsusundan ngan tinatagan hin magrasa nga pagkaon.” Ngan tigda na liwat nawara an mabaysay nga babayi.

Deri maaram hi Salvacion nga maaram pala ngatanan hini hi Margarita.

Pag-abot ni Margarita ha balay ginkaistonya niya an iya iroy nga nagpadako ha iya. Nangaro hiya hin pasaylo han kagupong nga nahimo niya.

Ginhangkupan hin ura-ura ni Salvacion an iya anak ngan iginpadayon niya an pag-ataman ha paglabay han panahon.